

*Sic quoque, Sponsa, tuum redama, cole, dilige Sponsum,
Nam digna es Sponso, casta MARIA, probo.
Tunc Dominus presens aderit, vestroque labori
Subueniet dextra non remorante DEVS.*

E V T E R P E.

O felix nimium, cui thalami piam
Confortem, placidis moribus & bonis
Ornatam dederit cunctipotens DEVS
Tædæ vincula cui placent.
Nam gemmas superat splendidulas Tagi,
Seruat quæ thalami dulcia fœdera,
Blandis exhilarat colloquijs virum,
Ut vitam peragat sacram.
Et semper celeri fila trahit manu,
Vestes ut famulis conficiat suis.
Talem Sponse tuo, non secus est, noue
Iuncturus lateri DEVS.

C A L L I O P E.

Nimbus velut perturbidus,
Qui ferre frugibus solet
Damnum: ferox sic & mala
Vxor viro semper nocet.
Mores studet, qui flectere
Eiusmodi viraginis,
Hic impetum tentat suis
Euri tenere viribus.
Sed quæ fidem soluit tori,
Isthæc feroci peior est,
At, Sponse, tales ut tuis
Absint, DEVM tædis precor.

ERA-